



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 82. Allegatæ divortii rationes maturius discussæ.

---

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

„modi autem, similesque cauffas matri-  
 „monia priora fuerunt diffoluta, prout o-  
 „cto Gallicæ stirpis Principum exemplis  
 „comprobatum redditur. „ Addeban-  
 „tur equidem his plures adhuc aliæ ra-  
 „tiones, attamen præcipua, quæ re ipfa  
 Regem ad follicitandum suum divor-  
 tium impellebat, erat infanus amor, quo  
 tantopere Gabrielam Eſtræam Pelfortii  
 Duciffam deperibat, ut illam thori,  
 thronique fociam, ex qua jamjam duos  
 filios Cæſarem, & Alexandrum ſuſce-  
 perat, fieri percuperet, quamvis paulo  
 poſt divina providentia non modo ob-  
 cæcati hujus Regis conſilium, quam  
 ambitioſa hujus fœminæ molimina re-  
 pentino, eoque ſat funeſto eventu ever-  
 teret, uti poſtea narrabimus.

Sæcul. XVI.  
 A.C. 1599.

§. LXXXII.

*Allegatæ divortii rationes maturius  
 diſcuſſæ.*

Cum inter graviores, quæ exponeban-  
 tur, rationes abs dubio eſſet violen-  
 tia, qua Margarita ſeſe ad Regis nu-  
 ptias adactam fuiſſe aſſerebat, hinc de-  
 ſuper Regina ſecundum juris præſcri-  
 pta examinabatur, quæ etiam interpo-  
 ſita juramenti Religione aſſeverabat,  
 quod nonniſi Parentum reverentia, me-  
 tuque impulſa Henrico ſociata fuerit, nec  
 unquam hoc matrimonium fore vali-  
 dum

Spond. l. c.  
 n. 13.  
 Daniel p. 244

G g 3 dum



Sæcul. XVI.  
A.C. 1599.

dum censuerit, ac propterea dispensationis obtentæ nonnisi uno, altero anno gnara jam antea conscientie simul impulsæ per quatuordecim omnino annos Marito suo non cohabitavit porro hujus asserti fidem Regina facile obtinebat; omnibus enim notum erat quod ipsa per Martinum Anglum, & Eduardum Molæum Procuratores suos Uffoni in Alverniis diplomate desuper confecto die quarta Februarii jam dudum Henrico Regi exponi curaverit, se salva conscientia cum ipso tanquam Marito versari non posse, cum hæc nuptiæ ob sanguinis propinquitatem, Religionis diversitatem, ac consensus defectum ab initio legitimæ non fuerint, nec postea convalescere potuerint, proin Rex haud ægre ferret, si hæc nuptias omnino nullas fuisse a summo Pontifice declarari peteret: insuper Regina easdem hæc rationes, postquam res in aula Romana agitari cœperat, Clementi VIII. exponens supplicabat, ut ipsa ab hoc iugo liberaretur, nec ullo pacto ejusmodi Matrimonium nova legis gratia validum redderetur. Perceptis hisce omnibus Delegati Judices in ædibus Henrici Gondii Parisiensis Episcopi convenientes singula capita testibus, aliisque rationum momentis sedulo comprobari curarunt, & quidem circa præcipuum

vio-



violentiæ adhibitæ caput novem omni-  
no testes tam generis nobilitate, quam  
integritatis fama conspicui excipiebantur,  
qui una omnes Reginæ vim, minasque ad  
extorquendum consensum illatas fuisse  
testabantur: cunctis igitur rite probatis  
Joyosa Cardinalis, Arelatis Archiepiscopus,  
nec non summi Pontificis Nuntius die decima  
septima Decembris pronuntiabant, quod  
Matrimonium Regem inter, & Reginam ab  
initio nullum fuisset. Hac sententia mox  
Romam delata Romanus Pontifex hucusque  
gesta omnino rata habuit, atque utrique  
parti aliud conjugium ineundi libertatem  
fecit, quo percepto Pontificis judicio  
Henricus Rex quantocius Alincurtium  
Villaregii Filium Romam ablegabat, ut  
debitas Clementi VIII. grates rependeret.

Sæcul. XVI.  
A.C. 1599.

§. LXXXIII.

*Infustus Gabrielæ Estrææ Belfortii  
Ducissæ obitus.*

Priusquam Syllerus Præses, cui Hen-  
ricus IV. Franciæ Rex matrimonii  
dissolvendi negotium commiserat, Ro-  
mam venerat, die decima mensis Apri-  
lis Gabriela Estræa Montcellensis Mar-  
chionissa periit. Hæc singulari venu-  
state, ac morum, sermonisque affabili-  
tate Regis animum tam impotenti amo-

Thu. l. 113.  
p. 122.  
Spond. hoc  
ann. n. 15.  
Daniel Hist.  
de Franc.  
p. 250.  
Mem. de  
Sulli tom. I.  
c. 92.